

酒店奇談

作者: 幽談

Powered by [紙言](#)

長相廝守

唔知你哋住酒店嘅時候會唔會發覺去到某一啲房或者經過某一個樓層會覺得有種奇怪嘅感覺？或者入到有間房有種俾人望住嘅感覺，總括然而係一種唔舒服嘅感覺

做開酒店嘅人都會知道，基本上每間酒店都總會有一啲房係唔賣，或者到最後一刻先賣晒日，而點解，大多數都係房間入邊有奇怪嘅嘢，例如長期都會有浸奇怪嘅味，或者墜牆發霉等等。而點解會咁？無從稽考

話說好耐以前嘅酒店，經常都會發生命案，而因為以前資訊唔係咁發達，可能就係報紙上面寫一句X酒店清晨時分發現一名男子倒臥在房間之類

而我聽過一個老前輩講嘅故事，個故事發生喺好耐以前，佢工作係一間九龍區嘅酒店，房間數量唔多，所以基本上都容易認得啲客人，佢記得有一對情侶，長住咗喺酒店好耐，每日都糖籐豆，直至有一日佢返通宵嘅時候聽到呢對情侶喺後巷鬧交，聽到個女仔同個男仔講：點解點解呀？你永遠會愛我一個，永遠同我一齊。如是者，重複咗一陣之後就有其他聲啦，咁位前輩都有乜點理，因為返通宵，基本上成日都聽到出邊有人鬧交，咁都唔係特別，直到過咗幾日之後，佢發現得返個女住客喺度住，本身佢諗住同個女住客寒暄兩句，可能問候下，但係點知佢發現個女主客個心情好似同之前一樣，所以佢就停止咗呢個動作啦。

再如是這過咗幾日，有個執房嘅姐姐發現喺佢個樓層有浸異味，而搵唔到原因。亦都係當日，佢放假喺屋企睇緊報紙嘅時候，發現有一則新聞：喺X

X河發現一具男性屍體，而且身首異處，頭顱未有發現，跟住喺隔離貼咗張相，佢當場就心寒咗一下，因為嗰位男士嘅相片正正係住喺佢間酒店嗰位男士，而因為當時資訊冇咁發達嘅時候，因為有WhatsApp等等嘅通訊工具，所以佢都係返工先知道咩事，直到佢第二日返工，佢發覺嗰對情侶嗰間房已經退咗房，而聽返同事講，係有一批警察嚟捉走咗嗰位女仔，而個女仔走嗰陣，喺度大叫：點解要分開我哋？

而當時嘅高層為咗唔好影響間酒店，所以就冇同其他同事講，淨係落咗個備注話喺某某一天，因為其中一位住客犯咗法，所以俾警察拘捕咗

咁個故事講到呢度其實大家都知道發生咗啲咩事，直到流傳到而家據說嗰間酒店到而家都仲營業緊，而都總會係有一兩間房係唔會賣，亦都冇人話住過喺嗰間酒店，會感覺到房間有人望住佢，同埋有浸怪味。

你話過會永遠同我一齊！

兒童樂園

有冇發覺而家啲酒店好多都多咗兒童樂園，俾啲家長帶埋小朋友一齊去玩。入邊嘅設施不外乎都係波波池，或者啲遙控車。

今日講嘅故事就係發生係一間新界嘅酒店，話說嗰間酒店係工廠改建，而且係近年開嘅，而佢有個賣點就係入邊有個兒童樂園，吸引到好多家長特登入去玩，但係有好多家長去完都遇到一啲奇怪嘅事，咁有個家長就話佢本身入去兒童樂園嗰陣係冇乜人，但係玩玩下，開始有啲家長再帶其他小朋友入嚟玩，然後佢發現有一兩個小朋友好似係冇家長陪同，但係啲職員都唔理。所以各位家長都無理，直到去玩完準備走嘅時候，發現嗰兩個小朋友已經唔見咗，咁佢都有為意，跟住佢諗住去廁所啦，點知發現嗰層嘅廁所係鎖住，咁佢就問個職員，個職員就答佢呢層個廁所因為有啲問題暫停使用，如果要用廁所就要落返大堂，咁嗰位家長就諗住落返大堂啦，正當佢行到去電梯位，又見返嗰兩位小朋友，嗰兩位小朋友直接走咗去廁所，因為個廁所係轉角位，正當嗰位家長想同個小朋友講聲嘅時候，佢行到去廁所門口，發現嗰兩位小朋友唔見咗，佢當下呆咗，然後即刻帶自己個小朋友走。

事後我問返嗰個度工作嘅朋友，佢同我講，因為以前嗰度係工廠，話說嗰陣呢一層係啲婦女工作嘅地方，佢哋好多時候都會帶埋啲小朋友一齊返工，而啲小朋友冇嘢做嘅時候，就可能玩吓捉伊人，咁就正正有一日，好唔好彩嗰度發生咗一場大火，而因為為啲小朋友玩緊捉伊人，有兩個小朋友，因為匿埋而被火燒死咗，跟住因為嗰度執咗轉咗第二間公司，自此就冇人再提過呢件事。

我個朋友就話佢成日都聽到有人唔會問佢，哥哥可唔可以陪我一齊玩，佢亦都係閉路電視度見到兒童樂園入邊啲車自己識郁。

咁事實係咪咁？可能你哋自己去發掘一下

哥哥姐姐，可唔可以陪我玩？